



Broj: T18 0 KT 0018458 25
Brčko, 29.05.2025. godine

Optužnica potvrđena: 10.06.2025.godine

Na osnovu člana 35. stav (2) tačka z) i člana 226. stav (1) Zakona o krivičnom postupku Brčko distrikta BiH, podižem

OPTUŽNICU

Protiv:

ADNANA KEVRIĆA, rođen 1990. godine, u Brčkom

Što je:

Dana 06.04.2025. godine oko 19,00 časova u Brčkom, u dvorištu porodične kuće na adresi Brka ..., Novo naselje, Brčko, gdje i stanuje sa svojim roditeljima, nakon verbalne rasprave sa svojim ocem S. K., u stanju privremene duševne poremećenosti, uz afekt bijesa i razdraženosti i izraženu napetost i impulsivnost, usljed čega je njegova sposobnost da shvati značaj djela i da upravlja svojim postupcima bila bitno smanjena, svjestan da udarcem nožem može lišiti oca života, što je i htio, u toj namjeri, sa stola u kući uzeo kuhinjski nož sa crnim plastičnim rukohvatom, dužine oštrice 20 cm, te izašao u dvorište i nožem nasrnuo na svog oca S., koji je bježao i opirao se, ali ga je stigao kod ulaza u zadnji dio kuće, gdje je S. zadao ubod nožem u predjelu stomaka, usljed čega je S. zadobio tešku i po život opasnu tjelesnu povredu u vidu ubodne rane prednje lijeve strane trbuha koja svojim ubodnim kanalom prodire u trbušnu duplju, presjecajući lijevi pravi trbušni mišić, te oštećujući vijuge tankog crijeva i njegovog opornjaka sa slijedstveno nastalim obimnim izlivom krvi u trbušnu duplju, i nad kojim je hitno izvršen operativni zahvat,

dakle, pokušao drugog lišiti života

čime je učinio krivično djelo – Ubistvo - iz člana 163 stav (1) u vezi sa članom 28 Krivičnog zakona Brčko distrikta BiH,

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****